



**Bryniau Clwyd a
Dyffryn Dyfrdwy**
Clwydian Range
and Dee Valley

Ardal o Harddwch Naturiol Eithriadol
Area of Outstanding Natural Beauty

**CYD-BWYLLGOR
o'r
CLWYDIAN RANGE A DYFFRYN DYFRDWY
ARDAL O HARDDWCH NATURIOL EITHRIADOL**

Wedi'i gynnal: 21 Mehefin 2024

Aelod / Swyddog Arweiniol: Steve Gadd

Awdur yr Adroddiad: Paula O'Hanlon

Teitl: Alldro a Chyfrifon y Cydbwyllgor 2023/24 a Chyllideb ddrafft 2024/25

1. Am beth mae'r adroddiad yn sôn?

Mae'r adroddiad yn rhoi manylion sefyllfa alldro cyllideb referniw'r AHNE ar 31 Mawrth 2024 ochr yn ochr â'r gyllideb ddrafft ar gyfer 2024/25.

2. Beth yw'r rheswm dros wneud yr adroddiad hwn?

Pwrpas yr adroddiad yw rhoi diweddariad ar sefyllfa ariannol yr AHNE ar 31 Mawrth 2024 a cheisio cymeradwyaeth i'r gyllideb ar gyfer 2024/25.

3. Beth yw'r Argymhellion?

Gofynnir i Aelodau nodi'r alldro ariannol ar gyfer 2023/24 (Atodiad 1) a'r Balansau Wrth Gefn ar 31 Mawrth 2024 (Atodiad 4). Gofynnir i aelodau gymeradwyo cyllideb ddrafft 2024/25 yn ffurfiol (atodiad 2) ac adolygu a llofnodi'r Datganiad Blynnyddol ar gyfer 2023/24 (Atodiad 3).

4. Manylion yr adroddiad.

Mae'r adroddiad yn rhoi crynodeb o alldro referniw'r AHNE ar gyfer 2023/24 y manylir arno yn Atodiad 1. Mae'r sefyllfa alldro derfynol yn dangos gorwariant cyffredinol o £26,439 sydd wedi'i ariannu o'r Gronfa Referniw Wrth Gefn.

Mae'r adroddiad hefyd yn darparu copi o'r Ffurflen Flynyddol ar gyfer cyrff llywodraeth leol llai yng Nghymru ar gyfer y flwyddyn a ddaeth i ben 31 Mawrth 2024 (Atodiad 3) i'w hystyried a'i chymeradwyo.

5. Sut mae'n cyfrannu at Flaenoriaethau Cynlluniau Rheoli AHNE Bryniau Clwyd a Dyffryn Dyfrdwy?

Bydd rheolaeth effeithiol o gyllidebau referniw'r AHNE yn helpu i gyflawni blaenoriaethau'r cynllun rheoli y cytunwyd arnynt ar gyfer y flwyddyn gyfredol ac mae'n sail i weithgarwch ym mhob maes, yn enwedig ein perthynas â phartneriaid ariannu a'n blaenoriaethau ar y cyd.

6. Beth fydd yn ei gostio a sut bydd yn effeithio ar wasanaethau eraill?

Nid oes unrhyw gostau uniongyrchol yn gysylltiedig â'r adroddiad hwn.

7. Beth yw prif gasgliadau'r Asesiad o'r Effaith ar Gydraddoldeb (EqIA) a gynhaliwyd ar y penderfyniad? Dylid atodi'r templed EqIA wedi'i gwblhau fel atodiad i'r adroddiad.

Ddim yn berthnasol

8. Pa ymgynghoriadau a gynhaliwyd gyda'r Pwyllgorau Archwilio ac eraill?

Mae'r sefyllfa ariannol yn eitem sefydlog ym mhob cyfarfod o'r Cydbwyllgor.

9. Datganiad y Prif Swyddog Cyllid

Mae'r adroddiad hwn yn amlinellu sefyllfa ariannol yr AHNE ar gyfer 2023/24 a 2024/25.

Mae cymeradwyo a llofnodi'r Ffurflen Flynyddol ar gyfer y flwyddyn a ddaeth i ben 31 Mawrth 2024 (Atodiad 3) yn ofyniad statudol cyn i Archwilio Cymru gynnal archwiliad o'r cyfrifon.

Cafwyd cyllid dros dro gan CNC tan 31/03/2027.

Ar 31 Mawrth 2024, roedd balans y Gronfa AHNE (atodiad 4) yn £1,341,030. O hyn, mae £1,270,780 wedi ei glustnodi ar gyfer prosiectau penodol a fydd yn symud ymlaen yn ystod blwyddyn ariannol 2024/25. Mae'r balans o £70,250 ar gael i gefnogi cyllideb referniw 2024/25, disgwylir y bydd angen £53,854 yn 2024/25.

10. Pa risgiau sydd ac a oes unrhyw beth y gallwn ei wneud i'w lleihau?

Mae cyllideb yr AHNE yn dibynnu ar incwm gan CNC, Llywodraeth Cymru a'r tri Awdurdod Lleol. Mae risg na fydd digon o arian i dalu am gost yr AHNE yn y blynyddoedd i ddod oni bai bod adnoddau ychwanegol yn cael eu canfod, gan greu

risg i gyflawniad prosiectau yn y dyfodol a'r gallu i gyflawni yn erbyn blaenoriaethau Cynllun Rheoli'r AHNE.

11. Pŵer i wneud y Penderfyniad.

Mae'n ofynnol i awdurdodau lleol o dan Adran 151 o Ddeddf Llywodraeth Leol 1972 wneud trefniadau ar gyfer gweinyddu eu materion ariannol yn briodol.